

往生要集記 三



始欣求淨土乃終極樂證據

往生要集卷上義記第三

釋大文第二欣求淨土章

此有十段

釋良忠述

今此一門大分二為二先開章次一正釋初亦二初示極樂依正言思不及二然下列章經論雖說依正功德而無盡其數量相貌一大經云我說無量壽佛光明威神晝夜一劫尚未能盡又云彼諸菩薩無量功德為汝略說若廣說者百千万劫不能窮盡又云無量壽佛聲聞菩薩壽命長久百千万劫算數譬喻不能知也正報既然依報亦尔佛說尚無窮盡九識豈可譬喻列章有二初顯今讚歎意二一下正列章初意者



者如彼論抄纔列卅二十四益樂而讚難盡依正功德故今以毛滂海又例樂數不同故今舉十種益群疑論明三十種益者在論第五安國抄標二十四樂者彼抄未渡智覺禪師神棲安養賦引之故今引用耳彼賦云安養鈔云有二十四種樂一欄楯遮妨樂二寶網羅空樂三樹陰通衢樂四七寶浴池樂五八水澄漪樂六下見金砂樂七階際光明樂八棲臺凌空樂九四蓮華香樂十黃金為地樂十一八音常奏樂十二晝夜雨華樂十三清晨策厲樂十四嚴持妙華樂十五供養他方樂十六經行本國樂十七衆鳥

和鳴樂十八六時聞法樂十九存念三寶樂二十無三惡道樂二十一有佛變化樂二十二樹搖羅網樂二十三千聞同聲樂二十四聲聞發心樂已上有云安國寺利涉法師猶如等者其實今讚思絕功德非是毛海塵山比類且借余文耳次列章今舉十樂者問十樂次第有生起耶答亦也聖衆來迎淨土初際故為第一往生之後雖在寶池而未見聞淨土境界蓮華開時初見依正故蓮華開為第二樂華開之後先成自身相好神通故身相通以為第三身通成已見聞境界快樂自然故妙境界以為第四其樂長時無退轉故

快樂無退以為第五非但自樂引他令得如我快樂故自快樂後立引攝樂非但自他初受快樂自界他方諸大聖眾但會一處故自他樂次明第七非但會眾直見聖尊聞法得益故眾會後立見佛樂非但自土聞法得益須臾即便歷事供養十方諸佛故見佛後次明供佛供養諸佛次第授記佛道增進故供佛後立第十樂若約淨土昇進次第引攝結緣應在隨心供佛樂後見佛聞法歷事供養道位進後可利他故觀經等明聞法得益須臾供養十方諸佛而今第六立攝引樂自他快樂相對意耳

本要書上本
六十二

第一聖眾來迎樂有二謂標釋問以臨終迎攝何為彼土樂答捨此穢質受彼妙體故為初樂釋中有六初舉善惡臨終苦樂而成念佛終時大喜二所以下正明來迎三是時下益生歡喜四即從下正明往生五彼初利下明餘樂非比校六龍樹下引論證樂九惡業人命盡時風火先去等者問何經論說答大論瑜伽唯識俱舍諸經要集金光明經等也大論云惡業人風大先去故身動火大先去故身熱善行人地大先去故身靜水大先去故身冷取四大各各功能別故法尔隨善惡人前後去也問風火先去可是不

動不熱如何答風火將去而有動熱如燈將灺而增
光也問雖善行人終風火去時何不動熱答明了意
識分別苦樂故受苦惱顛倒錯亂此位無苦正念不
亂而善行人明了心位地水先去緩縵無苦最後微
心捨受之位風火去時縱雖動熱聞鈍意識不分別
苦樂故似無苦也有云風火上昇法地水沉下法是
相敵法也而沉下之法去後上昇之法獨去無相敵
故無侵害義故無苦欵譬如無風之時水靜有風之
時水動無水之處雖有風無波浪止觀七云當知四
大成身二上二下互相違返地過水水爛地風散地

地遮風水滅火火煎水更相侵害如篋盛四蛇上弘
決八云地水火風共相殘害猶如四大同共一篋四
大蛇虵其性各異二上二下諸心亦然上一義云風
火先去者從頭死也地水先去者從足死也所謂腰
下地大臍腹水大心上火大頭面風大故墮惡趣者
從上冷觸起識滅足故風火先去動熱生苦風動為
體火熱為性故此二去能動熱也若生人天者從下
冷觸起識滅臍心故地水先去緩縵無苦地堅為體
水濕為性故此二去寂靜不動若存此義今文不違
瑜伽唯識及俱舍等依上下冷判善惡處故唯識論

云又將死時由善惡業下上身分冷觸漸起上已述記云世親無性攝論皆云善業從下冷惡業從上冷由生勝趣生惡趣別故瑜伽第一云隨下上冷後死於心斯處初生最後捨故上已又論云唯異熱心由先業力恒遍相續執受身分捨執受處冷觸便生壽煖識三不相離故上已述記云唯第八識真異熱心由先業力恒不斷遍相續執受於身捨執受處冷觸便起壽煖識三不相離故上已又論云冷觸起處即是非情雖變亦緩而不執受上已述記云識不執受處即是非情引果所攝外器之類雖第八識變而亦緩而亦不執

受如髮髻等上已又俱舍論云漸死足臍心最後意識滅下人天不生上已言下者三惡趣也不生謂阿羅漢也若頓命終意識身根忽然頓滅若漸死者墮於惡道識滅於足若往人中識滅於臍若得生天識滅於心若得羅漢識滅亦於心有言於頂云云諸經要集十九云臨命終時檢身冷熱驗其善惡具知來報故瑜伽論云此有情者非色非心假為命者大小皆同死通漸頽諸師相傳造善之人從下冷觸臍已上煖盡即生人中若至頭面熱氣後盡即生天道若造惡者與此相違從上至腰熱後盡者生於鬼趣從腰至膝

熱氣盡者，生於畜生，從膝已下乃至脚盡，生地獄中。無學之人，入涅槃者，或在心煖，或在頂也。然瑜伽論云：羯羅藍義最初中，捨命釋云：依瑜伽論，由造善初，生即從此處最後捨命。釋云：依上故，從下漸捨，至完心後，方從上捨。由造惡，生上故，從下漸捨，至完心後，方從下捨也。上問：心無方處，故先從上捨，至完心後，方從下捨也。上問：心無方處，何云足等處滅？答：論釋云：正命終時，於足等處，身根滅，故意識隨滅。臨命終時，身根漸滅，至足等處，忽然都滅，如以少水置炎石上，漸減漸消，一處都盡。光記云：理實真識無有方處，而言與身同所滅者，於身滅。

位意識隨滅，非有方處，故正理論云：眼等諸識依止色根，尚無方處，况復意識？故約身根，并意識滅。上問：於一身中，上是風，火下是地，水者有何證？耶答：於密教中，有其義也。云：問四大去相，可知之耶？答：亦也。風大去後，身不動也。火大去後，身寒冷也。水大去後，血脉不通，地大去後，身成非情。故頌云：壽煖及與識，三法捨身時所捨，身僵仆如木，無思覺。上善行人者，十善業道也。緩漫無苦者，問無斷未摩耶？答：不然。光記云：人中三州，非北俱盧州，欲界諸天亦無斷未摩。彼非苦惱業果，故上難云：若尔何云無苦？答：光云：願流。

一來不還阿羅漢獨覺皆有唯除世尊無惱亂業故
諸佛世尊無斷未摩上已聖者猶有况凡夫耶但今文
述臨終無苦非無斷未雖有斷未不生重苦欻婆娑
云斷未摩苦除佛以外一切有情悉皆有也但諸有
情悉受苦問有地大斷未摩耶答不尔頌疏云斷未
摩水等者正明死義未摩此云支節然於身中百處
異支節其量甚少觸便致死是謂未摩水等者等取
風火於斯三大隨一增上如利刀及觸彼未摩因此
命終故名爲斷此言斷者非如斬薪令成兩斷但由
三大觸彼未摩令身無覺說名爲斷地界不名斷未

摩者謂無第四災患故內三災患謂風熱痰痰是水
增熱緣火起風病風增無第四災故無地界斷未摩
也有說此似外器三災外有水火風內遇水火風既
外無地界災故內無地界患也此斷未摩唯人間有
非於天上然諸天子將欲死時有五衰相上已念佛功
積者問何獨舉念佛答約本意故是要行故或影顯
耳大喜自生者群疑論五云問曰諸論中說命終受
生唯住捨受何因觀經言歡喜踊躍自見其身乘金
剛臺喜受既強如何捨命也釋曰有一師釋言穢土
受生無聖迎接唯住捨受心中命終淨土受生聖衆

來迎行者命終之時蒙大聖力慈悲加祐故喜受位亦得命終諸論多據穢土受生故作是說不可為例有說往生淨土亦住捨受心中命終以捨受心性羸劣故順彼命終喜受心強不能捨命經言歡喜踊躍等言此是將命終心也非正命終心也經之與論各據一義不相妨也上已要記云觀彼懷王禪師含笑而終教信觸體眼口似咲若非喜受彼何上已百福莊嚴手者頌疏云論本各百福嚴飾者三十二相業各百福莊嚴百箇善思名為百福如修足下平滿相時先起五十思修治身器便令清淨次起一思正牽引彼

後起五十思令其圓滿譬如農夫先治畦隴次下種子後以糞水而覆溉之修足既上餘相亦上五十思者謂十善道各有五思且初不殺業有五思者一離殺思二勸道思三讚羨思四隨喜思五迴向思乃至正見應知亦上是名五十思問何名為福量答有說唯除近佛菩薩所餘一切有情富樂果業名一福量有說感大千世界業為一福量有說量無邊際唯佛能知上已寶蓮臺者問與金剛臺同異如何答同也靈芝疏云金剛臺即蓮華座上已問今來迎儀局上々耶答百千比丘等文雖似舉上々理可通餘品云有華

合故授手者九品義云言授手者引導義也上目自見之者問拜來迎聖為命終為正念終答寂法師大經疏中云此在將終未已死時命終位有三種一明了心通起善惡無記心二自体受唯起有覆無記心三最後不明了心唯有異熟無記心此中見佛來迎等事即在第一明了位上珍海決定往生集云問滅業障已方有佛來迎答不必尔大悲芬陀利經云彼欲終時我與無數衆圍遶而現其前彼見我已令於我所得大歡喜除諸障尋命終已終得生我國意云往生業障未盡之前佛先進來豈不特哉上問見佛

時心定散中何答佛酬願現散心眼前故云如入禪定云終時快樂如三昧也尋云或云臨終發得上界靜慮而心眼中見聖衆也云此義如何答若許此義應云命終定心即死見佛之位即託臺故若云定心死者忽違諸論諸論廣申不許定死故如俱舍云由三義故非定中死一身在下界起上界定必無死生界地別故二加行生故然死生心任運而起三能攝益故生死有損定既有益故無死生唯識論三云又契經說諸有情類受生命終必住散心非無心定上住此等說往生人亦非定中死若云初發定心後住

散心死者散心之位還不可見境豈非大失又第九願難思別緣依此緣故凡夫肉眼忽見聖境有何道理不許臨終散心見佛義耶如下文云經論多說三昧成就即得見佛明知散業不可得見唯除別緣比又若發定心既得上界定是可已離欲云何此外判未離欲往生義若云雖發定未離欲者何不離欲發上定耶又懷感義寂等許往生臨終發有覆無記愛潤淨土業若住定心何起有覆諸定心必與無貪等自性善法相應起故又廣考諸傳親見世上往生之人臨命終時目見佛像色耳聞知識音而自即云

見聖衆聞音樂豈非五識相應散心位即能見佛即從等者問將還何為來迎樂耶答來迎約初華開以前悉攝此中故第二云蓮華初開切利天上億千歲者問彼天壽千歲何云億千歲若約人壽者彼天壽當三百一十二億如何答且約大分當人間億千歲欵蓮胎者或為字對欵上云掌故或蓮辟胎欵

第二蓮華初開樂亦有標釋往生淨土私記下云問行者坐金臺生寶池中若然者為迎蓮即池蓮為當迎臺池蓮各各蓮華哉答上品下生文云行者見身坐金蓮華坐已華合隨世尊後往生池中一日一夜

蓮華乃敷明_二知_一迎蓮_即池蓮也問此義背道理何者
 辟如有人乘車至_二殿車非殿_一殿非車何今以迎蓮為
 池蓮耶答此義難知但私案感應道交故_二坎_一已此華
 還到之尺亦云同華_坎是淨用之不思議莫例穢土
 之境界矣釋中有_三初格量上樂_二自見下明當樂_一
 三引論明樂中_四初見自身殊異_二見佛下華上見_一
 聞依正色聲_三又漸下遙瞻_{化主及圍繞衆}四時觀
 音下臺_下親拜尊容聞法悟道自見其身既作紫磨
 金色者問金色依身為華開已後得之若_尔法事讚
 云坐已身同紫金色_上已五會讚云報盡臨終紫金色

何答乘蓮臺時即成金色然華開後明了見之故云
 自見_坎尋云何故四顯色中獨舉金色答木論八十
 八云衆生不貴金而貴瑠璃等如是世界佛則不現
 金色又衆生不貴纖長指及縵等隨衆生所好而現
 已思之自然寶衣者無裁縫染治等務故云然也鏤
 釧者涅槃經四十_{橋陳}在額上者名之為鬘在頸下
 者名之為瓔在臂上者名之為珎在指上者名之為
 環已或有誦經者願云國中菩薩若受讀經法諷誦
 持說而不得弁才智慧者不取正覺_上已准之彼國有
 色經坎涉河濯流者寶積十八云彼極樂界其地無

海而有諸河河之狹者滿十由旬水之淺者十由旬
如是諸河深廣之量或二十三十乃至百數或有極
深廣者至千由旬其水清冷具八功德乃至或有涉河
濯流深淺寒温曲從人好阿難大河之下地布金沙
上聞一實之道者中道實相妙理也入普賢願海者
指普賢十願華嚴經四十云應修十種廣行願何
等為十一者禮敬諸佛二者稱讚如來三者廣修供
養四者懺除業障五者隨喜功德六者請轉法輪七
者請佛住世八者常隨佛學九者恒順衆生十者普
皆迴向上已又大佛頂經云十方世界有菩提心者佛

隨我立名已上惣諸佛補處菩薩云普賢入一切菩薩
行願云入普賢願也有云此義上人御義云云若人種善根等者
如定善記

本文本
右三六

第三身相神通樂亦有標釋身相者三十二相是約
外相神通者五神通是約內證問何不為二答開合
隨宜問身相神通含華時具之耶答亦也生得通故
但雖具而無用問可云六通第十之願豈非漏盡耶
神境通次以明之故想念貪計煩惱名故悲華本願
願六通故此經宜亦答五通六通人師爭論淨影憬
興存六通義懷感義寂釋五通義今同一師即云五

通非無其由五通即是任運生得佛願所成不假修
故漏盡通者名斷煩惱斷煩惱必依修行力非生所
得依此理故本願中不願漏盡也但悲華者同第十
願只伏現起不斷種子故伏惑上論斷功也雖有惑
種不作違害如阿羅漢實能斷故屬漏盡若論實
義惑種未斷非漏盡耳釋中有四初明身具金色相
好放光無比二又彼下明具五通妙用無尋三今此
下明所具德佛力生得四龍樹下引論菩薩光明照
百由旬者妙云菩薩常光亦可一尋然菩薩者化他
光遠也云云又雙卷述義記云諸聲聞衆身光一尋者

隨彼身量面各一尋菩薩光明照百由旬者亦是自
身各一尋量也上或云等者依云大論三十四也若
欲見十方等者問俱舍論二十七云即此五通於世
界境作廣狹諸聖不同謂大聲聞麟喻大覺不極作
意如次能於一二三千諸世界境起行化等自在作
用若極作意如次能於二千三千無數世界上大論
五云小阿羅漢小用心見一千國土大用心見二千國
土大阿羅漢小用心見一千國土大用心見三千國
土辟支佛亦尔上已設雖乘願往生淨土薄地凡夫何
見於千万億國答弥陀本願不可思議何以穢土自

力修行聖人難之哉故群疑論六云問如舍利弗大
目連等所得五通不越三千大千世界如何生彼九
夫即能下至見聞神通等超過百千億諸佛世界以
斯准知往生淨土者皆是大根大行菩薩往生非是
凡夫所能生也釋曰此義不定不可以穢土聖人所
得五通勝於淨土凡夫類也如北鬱單越定報千年
何妨非想非々想天壽命八万劫得有中友之者以天業報
長不許有中友之壽淨土亦尔雖是凡夫以受生業
勝故或淨土報強乘佛本願或託聖威靈或資生緣
好或獲大乘妙定緣此得通勝此方聖何所恠也又

五趣中陰時求受生所得業通超過二乘修得神通
何妨淨土衆生得通勝於此聖也故經說言聲聞獨
覺無漏不如初心始業菩薩有漏善根上咫尺者玉
云咫尺之余切中婦人廣云咫尺尺賈達云凡橫等者
以上五通束為橫豎宿住隨念通知過去故是豎也
余之四通現知十方故是橫也若天眼通名死生智
通亦通豎也死生智通知未來故問天眼直緣未來
境答依天眼通引生勝惠方能了知未來衆生死此
生彼於此建立死生知名根本天眼唯緣現在所引
死生智緣未來是為差別具如光記誰得一相者問

穢土中亦有具相好者輪王調達等也有得五通者
得定異生等也何云誰得一耶答指佛滅後末法時
分語無神通相好輪王出八万上調達生佛在世不
可為難外道中雖發定具通亦非當今如佛弟子猶
於末法難發修慧縱通在世今約大旨論之彼一兩
衆生九牛一毛大海一滴不足言也尋云彼土衆生
具隨形好答隨好具不應不定欵雙觀經連義文下
云迷云此第三身相備足也隨好不定故不說之比
神變及身通者問神變身通同神境通何置及字答
妙云於神境通有轉變神通飛行神通神變者舉轉

變通身通者舉飛行通欵云有云本論云神變及心
通心通者指他心通欵身字恐悞或集本云作通此
亦悞矣

第四五妙境界樂有標釋問於六境中何除法境答
准有漏五欲樂故欵又追分別諸樂通有法境故舉
別境自成六樂釋中有三初舉五境二此等下明勝
妙樂三引論舉境為二初惣標五境二謂彼下舉諸
境相於中有六段容在五境然前五段境相參雜對
文可知第五如次列香味觸云晝夜六時者勘云阿
彌陀經新疏云問西方淨土人絕無明國無昏曉

本文末初

卷之三

七五

何云晝夜。答華開金泥化生。為天曙之情。鳥宿瓊林。菩薩作黃昏之想。若如諸天。以華開華。含表之上。已苦難之名。者非無体。譏嫌亦無名。譏嫌也。河濱者有云。濱者岸。可讀欵玉。云濱者涯也。云今云邊。可讀欵濱。有邊。訓故。名華軟草者。問極樂有草耶。答無量壽經。記云。如論寶生功德草。乃言迦旃隣陀者。此鳥名也。此鳥要輪王時方出。其羽柔軟。若輪王身不安時。來以羽摩身。身即安和。然淨土草過彼。故言過等也。已此尺許。極樂有草。但鸞師意。不然彼註云。迦旃隣陀者。天竺柔軟草名也。觸之者能生樂受。故以為喻。上已

是以彼土七寶喻天竺柔軟草也。人師異解。不須和會。垢酢隨意者。雖實不食。釋殊妙之儀也。妙服自然在身者。佛讚指鬘。言善來自然。寶衣在身等也。無量壽佛會云。如佛命善來比丘。法服自然在体。已滅盡三昧者。俱舍論云。斯滅盡定。唯依有頂。斯滅盡定。唯佛聖者。滅心之所。法盡名滅盡定。隨滅介所。心之所。即有介所。物現前。為斯定体。已頌疏云。論云。非異生能趣起。怖畏斷滅。故唯聖道力所能起。故現法涅槃勝解。入故解云。謂滅盡定。依有頂起。彼已無色。若更滅心。使成斷滅。故怖畏也。聖入滅盡定。作勝解。心如

入涅槃故異生不起也。已聖者深厭行苦無常滅定
 靜住故。比彼樂微妙柔軟如兜羅綿者。光記云。如羅
 綿。如羅是樹名也。綿從樹葉中出名。如羅綿。如言柳
 絮。已補注。義從云。都羅毳者。此土翻楊華。彼方細綿如
 此國柳華故也。已。踊下四寸者。問有何故。云。四寸者
 人步舉足高四寸故。下時亦四寸也。今約此。於中時
 晡時者。大清經云。午為日中。申為晡時。已。最為第一
 者。問。彌陀經。義記。云。若望賢首。猶是下品。但比娑
 婆。故名極樂。已。今何違耶。答。比校十方淨土之時。有
 等勝劣。華嚴經說極樂最劣。天台釋依之。歎淨土經。

說極樂最勝。今釋依之。是就因位。本願讚化相邊。未
 交也。隨願經說。淨土平等。約果德平等故也。此乃極
 樂位說。上下通導。九聖莊嚴無量故。對機品。或說劣
 相。或說勝相。或宣等相。餘方淨土。其相一途。其勝莊
 嚴。豈如安養。選擇本願。感成最勝之相耶。故文首標
 四十八願。莊嚴窮美極妙。二種觀經者。雙觀經。與觀
 經也。嘉祥云。雙卷。雙導。等。云。大經者。師稱雙觀。問。壽
 經。中不說觀想。觀成何。云。雙觀。答。極樂細相在彼。壽
 經。若有定機。何不觀之。約此義邊。且云。觀也。難云。機
 修行別事也。經得名。可依說相。是以淨影天台釋。兩

經除取云散善力微不消五逆此經明觀故說得生
已壽經不說觀分明吞此經說極樂細相能化佛意
豈不被定機論修五念門行義寂以論釋經則此義
也淨影天台且消經現文也思惟經者阿彌陀思惟
經是陀羅尼集經別譯也

第五快樂無退樂亦有標釋狀三界樂此由退沒若
無此樂前後諸德不足為美釋中為四初舉娑婆退
墮二彼西方下明彼土樂三處是下結成無退四龍
樹下引證初中輪王者頌云輪王八方上金銀銅鐵
輪一二三四逆次獨如佛他迎自往伏諍陳勝無害

相不正明圓故與佛非等上七寶者華嚴五十六云
七寶自在一金輪寶名勝自在二象寶名曰青龍三
紺馬寶名勇疾風四神珠寶名主藏雲五主藏臣寶
名曰大財六玉女寶名淨妙德七主兵寶名離垢眼
得是七寶出閻浮提作轉輪王時有千子已俱舍論
十二云輪王出現於世便有七寶出現世間其七者
一者輪寶二者象寶三者馬寶四者珠寶五者女寶
六者主藏臣寶七者主兵臣寶此七寶四輪無別上
經言出息等者法句經云佛問四人比丘言汝等無
常相如何一比丘云今日雖存明日難存一比丘云

朝雖存，夕難存。一比丘云：只今雖存，後時難存。一比丘云：出息不待入息時，佛讚言善哉。上涅槃經，三十四增一阿含，三十四委說無常傳聞安養尼對。今師問云：君寄何事覺無常相？答曰：示無常相，物雖多端，如予所存，不過春夏秋冬轉變，所謂櫻梅桃李，歸根楓葉荻華，朽霜正是盛者，遷變相也。尼詠吟云：出息農人息，麻多奴世中。農土加仁君，波思希留哉。師問：羞慙敢不言矣。全符經說云：大論二十二云：如佛為比丘說死有義，有一比丘偏袒白佛言：我能修，是死相。佛言：汝云何修？比丘言：我不望過七歲活。佛言：汝

為放逸。修死相有比丘言：不望過七月活。有比丘言：七月有言，六五四三二一日活。佛言：汝等皆是放逸。修死相有言，從旦至食時有言，一食頃。佛言：汝等亦是放逸。修死相，一比丘偏袒白佛言：我於出氣不望入於入氣，不望出。佛言：是真死相，為不放逸。比丘一切有為法，念念生滅住時甚少，其猶如幻，欺誑智行者如是等種。因緣念死相，比丘問人死之時必終息出何？云：入息。答亦也。但今文且顯速疾義，二中人天交接兩得相見者，高僧傳六云：昔竺法護出正法華文決品云：天見人人見天。什譯經至此乃言曰：此語與

西域義同但在言過質穀曰將非人天交接兩得相見什喜曰實然其領悟標出皆此類也比有云江師見今經文落淚云汝知等者上生經云天女來語初生天言汝知是處名觀支多天此界主名彌勒慈尊汝當歸依意今依此文隨義轉用彼土何不如之也三途者名句云一刀途二血途三火途比八難者名句云一地獄二餓鬼三畜生四長壽天五北州六佛前後七世智弁聰八諸根不具比五陰盛苦者群疑論云此五陰報從惑心所生体是有漏即五取蓋苦也上已七寶者名句云一金二銀三摩尼亦曰毘瑠璃即須弥山室

四珊瑚亦曰頗梨即水精也五磲磔青白間色之寶六瑪瑙其色如馬瑙七赤真珠佛地論云赤虫所出環興上生經述贊云七寶如稱讚淨土經云解云金銀二寶斯土有故諸教皆存斯方名吠瑠璃者真諦梁攝論云瑠璃者是青色寶燒不可燒唯有鬼神有神力者能破為器或是其全翅鳥卵也頗脰迦者即黃綠色寶智論云過一千歲永化為頗梨珠赤真珠者佛地論云赤虫所出名赤真珠或珠体赤真珠真諦云即無價寶珠也阿濕摩揭粒婆者昔云碼碯真諦云赤色寶即違無性論論云是黃青等故牟婆洛揭粒婆者昔云磲磔真諦

云即緝色寶大乘論云七寶皆是石所攝然此七寶
隨身愛重經不同不可致上二中尚無不苦不樂之
名者問群疑論云極樂有捨受如何答今依大經異
譯寶積等經文也問彼土既許證八解脫八解脫中
有捨受定如何答此義難通但試會者無捨受者約
於恒時受樂而說不遮入定

第六引攝結緣樂亦有標釋輪迴久由恩愛難斷空
哭恩處不能報謝永失夫婦無再會辰然往彼已速
施接引何不奇也問今樂可置見佛間法後答往生
本意為度衆生故華開後得神通力還來穢國度人

天也問若尔身相神通之次可置之何隔四五樂答
第四五樂華開以後自然可有故前置之又樂雖同
時而列前後何諱首尾釋中為四初標斯界不能攝
引而成淨土攝化因緣二若生下別正明彼樂三引
二經顯攝相四引論樹欲靜等者勘云韓詩外傳云
如引又漢書云人天生天地之間如白駒過隙二親
之命忽如過隙欲樹靜風不止欲子養親不待已靈
芝孟蘭盆經疏新記云風樹恨者魯史云孔子出行
見虞丘子哭於路相楚問其故對曰吾有三失是以
哭之少遊學周流天下父母已終闕於侍養是一失

素高其志，不事庸君，而臣節不遂，是吾二失。少擇交遊，寡於親友，老無所託，是吾三失。夫樹欲靜而風不止，子欲養而親不待，往而不返者，年也不可再見者，親也。設以此辭遂立哭而死，孔子觀謂左右曰：「記之，可也。」以為誡於弟子，辭歸養親者，十有二。上曰：「水葬，禮記檀弓下云：『子路曰：傷哉！貪乎！生無以養，死無以祀也。』」孔子曰：「啜菽者飲，水盡其親，斯之謂孝。」上曰：「隨心引者，感應因緣，是佛教談獨感偏應不成，然今隨心約可度，機讚彼土，應設有感，機能化無德不成，利益故古迹誠懈怠者，云汝無勤修繫屬亦空，又善知識阿難。」

云得道半因緣，如來說全因緣，智慧洞達，六通自在，令未發心而得發心，令未得道而得道果，何非隨心教誡示導者？三示導中，教誡示導欵頌云：「第一四六導教誡導為尊，頌疏云：『第一神境通，名第一神變示導。』」第四他心通，名第二記心示導。第六漏盡通，名第三教誡示導。能示能導得示導，名三示導。中教誡示導，最為尊勝。此論云：「又唯此三令於佛法，如次歸伏信受，修行得示導，名餘三不尔。」上曰：「平等經云：『等者取意文也。願我臨欲等者，問普賢菩薩自在任意，應至極樂何。』」此願答言：「諸衆生如此，可願不為己身其。」

意見於十願前後華嚴經十四云普賢行願品 尔時普賢菩薩摩訶薩稱歎如來勝功德已告諸菩薩言善男子如來假使十方一切諸佛經不可說不可說佛刹極微塵數劫相續演說不可窮盡若欲成就斯功德門應修十種廣大行願何等為十一者禮敬諸佛到十者普皆迴向到尔時普賢菩薩摩訶薩欲重宣此義普觀十方而說偈言願我臨欲命終時等云我既往生彼國已等云我此普賢殊勝行無邊勝福皆迴向普願沉溺諸衆生速往無量光佛刹上准若欲成就此功德門應修十種廣大行願之文普賢菩薩告

諸菩薩言也只勸衆生立此十種願普願沉溺諸衆生即其義也故華嚴師云改願我字應云衆生云又有人云恒順衆生等之誓願源依自他平等之理若不然者等覺無垢大士何立盡除一切諸障身願然者願我臨欲之言普賢之願即衆生願衆生願即普賢願故依普賢願我等願成我等願成普賢願成云云問普賢菩薩可願華嚴世界何願極樂答華嚴疏十云不生華藏而生極樂略有四意一有緣故二欲使衆生歸憑情一故三不離華藏故四即本師故上已無緣尚尔者大願慈悲不弃一生故一切中有緣無緣

隨種熟脫有番番化龍樹偈云無垢等者問天親論
文何云龍樹答非大事故為勸學者如釋論云學者
增長思惟力故云有云引文為詮不事造人云有云
如天台引攝論云龍樹攝論龍樹祖師天親弟子從
師所解且云龍樹

第七聖眾俱會樂亦有標釋淨土所有諸大菩薩日
日來此勸往生心何況俱會親近承習增道勝緣何
不宜也釋分為五初標俱會文二彼諸下舉本國二
眾三何況下舉他方來四然彼下顯彼樂相五龍樹
下引論舉本國眾初菩薩眾次又諸下聲聞眾後如

是聖眾下示俱會儀問舉本國眾何列普賢等彼有
自國常在極樂其義叵成答楞嚴化用一月万影豈
局本國他方况復普賢文殊弥陀因時長子豈漏果
德輔翼數也問於淨土教最先可舉觀音勢至何後
舉之答妙云或終或始隨時宜也有云且准釋迦一
代化儀普賢者文句六云梵音耶輸陀此云普賢東
春六云普賢者外國云三曼多斯云普跋陀羅此云
賢也上及種少善等者問世間凡俗多聞名号如何
答今斯聞名見身即約熟機發菩提信心歡喜故
下句云聞名不退如十住論念名不退設雖見聞若

無信敬則可屬於不聞不見也恒修普賢者普賢是
理万行愬体故菩薩行普賢法也大目經疏云諸菩
薩安供養佛佛供養普賢猶普賢身與三世佛等故
此即大中供養中供養也上已依真而住非國土者
問勸發品云從東方來相違如何答記十云斯據應
迹所從彼明所證自体上已寶王經云觀世音菩薩有
金毛孔無有邊際如虛空界普賢菩薩入於其中上
文殊者法華疏二云文殊師利此云妙德無行經云
滿殊尸利普超云儒首私記云新云曼殊室利此云
妙吉祥文殊名妙覺妙德妙吉祥妙音三世諸佛以

為母者菩薩別德所象各異是故世尊舉其一德勸
所化機所謂普賢象理文殊象智弥勒象慈觀音象
悲等即是也故理為本諸佛功德皆歸普賢若悲為
本諸佛大悲悲歸觀音餘皆准知然今文殊象智慧
故稱讚而言諸佛為母發心依之藥師經云釋迦在
摩耶腹中說十地法門文殊說偈言昔為能仁師今
則為弟子二尊不普賢是故受教上法華疏云釋尊
九代師又密教意本覺文殊是三世佛之智母也故
灌頂名智惠今則此約本有文殊讀誦名者舉稱名
也或書集佛名而唱之欵如三千佛名經也福多於

佛者問稱一菩薩功德何多於持諸佛名号答若准攝大乘應作事理釋菩薩約理諸佛約事若依天台意應作權實釋實教菩薩與權教佛相對而論或衆生樂欲意趣故或約菩薩有緣機若約法時因果不同諸佛平等若約機時隨宜順緣以為要故自有因勝果劣一勝多劣之義順機為勝故也彌勒者心地觀經云彌勒菩薩法王子從初發心不食完以是因緣名慈氏上法華疏二云此云慈氏思益經云若衆生見者即得慈心三時故名慈氏上有云元品無明者是慈也菩薩斷慈悲入妙覺無念若不斷慈悲倒

修凡夫事無成佛之期名大悲闡提是名慈氏尊云云故三世十方佛菩薩慈悲從此菩薩生三菩薩常在極樂者四十華嚴普賢十願中有此文故作斯註也斯通伏難伏難意云普賢恒順衆生願主遍身法界攝生十方文殊三世諸佛智母隨類普現無有擇處彌勒釋迦如來補處久住娑婆現居都率而何斯等菩薩攝入極樂自土聖衆故通難云三菩薩常在極樂出華嚴經地藏者十輪經疏云神地者初也藏者終也性德之大地中結緣之春下一毛端之善根已種熟脫之秋居賴耶藏中別納為終上每日晨朝入

恒沙定者菩薩先入定觀所化緣周遍法界化一一
機機無盡故利生亦無盡利生無盡故智慧亦無盡
智慧無盡故三昧亦無盡故云恒沙定問晨朝入定
有何故耶答且舉初欵若有機宜如影隨形問地藏
列彼聖衆何證答准上三菩薩欵問若尔何不舉餘
菩薩答受釋迦化大菩薩中此四菩薩為上首故別
遣極樂亦屬彼聖也觀音者法華疏二云天竺云婆
婁訖但稅上私志記云梵語應云阿縛路枳帝濕
羅亦直云縛路枳帝濕婆羅此云觀路枳帝云世濕
婆羅云自在具足正云觀世自在菩薩上大悲代受

苦者大論云若有代理必代不疑上問何背自業自
得之理代他苦耶答若有衆生宿緣深厚菩薩應大
悲願力代受其苦於理無妨若深觀達法界平等自
他不二設雖他作菩薩代受拔彼苦也此事天台一
箇大事難益蓋多此不可盡問菩薩代苦衆生之時
實受苦患答實雖代苦不受逼迫碎身之苦悟法體
故大乘莊嚴寶王經云觀世音菩薩入大阿鼻地獄
之時一切苦具不能逼切菩薩之身其大地獄猛火
悉滅成清涼池是時獄中閻魔獄卒心生驚疑怖上
大經云菩薩摩訶薩雖在地獄不受熾燃碎身等苦

要集卷三
二十七

上已大勢至者法華疏二云思益云我投足之處振動三千大千世界及魔宮殿故名大勢至悲等云願我世界如觀世音等無有異寶藏佛言由如願取大千世界故今當字汝為大勢志上已又云觀音等者在迦才論中卷云又諸聲聞等者問經中先舉初生次標補處勸願生而云諸上善人俱會一處今何列聲聞耶答二衆各可有俱會益經隨勝故且舉上善又仍本雖名聲聞而乘二十二願即成甫處盡名上善補處乃恒沙等者問一佛可有一人補處何云恒沙答但論其位即是等覺又他方諸佛一生補處也初會

者阿彌陀佛會會說法其數難測舉不可計會中初一為計校本故憬興云言初會者舉不盡言顯無數故上般泥洹去者極樂世界大義門上一乘海中不留二乘中下死屍故涅槃者證大涅槃不生不滅也龍興意往他方者名為去者或守此土聲聞之聞也問極樂有緣覺耶若云有者經中說有聲聞不說有緣覺本願中立聲聞無數願不願緣覺今釋中舉聲聞菩薩二衆不判緣覺若云無者二乘是一類既有聲聞何無緣覺依之善導大師釋五乘齊入又列釋尊會座何不生弥陀國大佛頂經云復有無量辟支

佛疏云辟支有二一者麟喻在無佛世二者部行今言在會多是部行比仁王經列眾文云大仙緣覺答難知但在嚴經云世尊我得菩提成正覺已所有眾生令生我刹雖住聲聞緣覺之位往百千俱胝那由他寶刹之內遍作佛事悉皆令得阿耨菩提上六時讚今云極樂有緣覺但至一處難者是一釋故舉於聲聞攝緣覺欵例如聲聞藏中攝緣覺况乎淨影聲聞名攝緣覺乘也無有異類者無異道故如論註云同一念佛無別道故上已

第八見佛聞法樂亦有標釋得道因緣最在見佛聞

法故為當樂問經通六塵各逗機宜何獨見聞答六境雖通為悟道緣而今見佛從佛聞法殊施接引故偏舉之問上有五妙境界何無見佛聞法答上舉色聲非必論佛只是願成一切万物所見所聞今別偏取万德相海尊容八音妙響言說設五境中雖拜佛相通二段有何妨碍問見佛與聞法二樂相並欵答亦也例如身相通樂云問何不為三答向能說人聞所說法故為一類問蓮華初開之時既有見佛義何第八置之答十樂次第或豎或橫各隨宜也釋中為四初標穢土中見佛甚難二而彼下明當樂相三

况復下明以依報演法，中彼樂最勝，四引論四相量者如决疑抄三，中三昧空無相無願也。頌云：空謂空非我無相，謂滅四無願，謂餘十上也。盲龜值浮木者，弘次云：如大海中有一盲龜，介時海中復有浮木，唯一孔可立，龜身斯龜三千年方得一出，億百千出，何由可值浮木之孔？上問有處云：一眼，龜今何違耶？答：盲一同表難值，故無大違記。十云：經譬一眼，龜者約事，只是譬難值。若作所表，凡龜魚之眼，兩向看之，既云一眼所見非正，正在生死海，而又邪見，何可值於佛法？浮木實諦之孔，上儒童捨全身等。

者問裏云：釋迦如來燃燈佛時，名為儒童。云若介其時不見捨身得半偈，何答妙云：今依大經然，儒童者有德童子之通名也。顯密處處有斯稱也。先師云：大論云：鳩摩羅迦持此云：儒童梵行童子，則不媼者也。已上妙抄從義輔註云：儒童亦云：年少梵語云：摩納婆，已上經音年少既為通名之上，同釋尊因行也。雪山童子，以號儒童，強無其難，欵常啼割肝府等者，大品三十云：佛告須菩提，菩薩摩訶薩求般若波羅蜜，當應如薩陀波崙菩薩摩訶薩。大般若是菩薩今在大雪音佛所行菩薩道，乃本求般若波羅蜜時，不惜

身命不求名利於空閑林中聞空中聲言汝善男子
從是東行至乃爾時薩陀波崙菩薩報空中聲言我當
從教至乃東行不久復作是念我云何不問空中聲我
當何處去去當遠近當從誰聞般若波羅蜜是時即
住啼哭憂愁至乃時空中有佛語薩陀波崙菩薩言至乃
從是東行去此五百由旬有城名衆香至乃是衆香城
中有大高臺法尚菩薩摩訶薩宮舍在上至乃其宮舍
中有四種娛樂園一名當喜二名離憂三名華饌四
名香饌至乃曇無竭菩薩與諸綵女遊戲娛樂已時三
時說般若波羅蜜至乃汝善男子往趣曇無竭菩薩所

當聞般若波羅蜜善男子曇無竭菩薩世世是汝善
知識能教汝阿耨菩提示教利喜至乃作是念我當賣
身得財為般若波羅蜜故供養法師至乃是時釋提桓
因化作婆羅門身在薩陀波崙菩薩邊行已問言汝
善男子何以憂愁至乃答言婆羅門我愛敬法自賣身
為般若波羅蜜故欲供養曇無竭菩薩今我賣身言
無有買者至乃爾時婆羅門語薩陀波崙菩薩言善男
子我不須入我今欲祀天當須人心人血人髓汝能
賣與我不至乃是時心大歡喜至乃右手執利刀刺左臂
出血割右髀肉復欲破骨出髓至乃即以利刀自刺出

血灑地至乃爾時曇無竭菩薩摩訶薩過七歲已從諸
三昧起至乃告薩陀波崙菩薩言善男子諦聽諦受今
當為汝說般若波羅蜜相至乃時一切衆難皆悉已滅
在諸佛國隨願往生上已舍衛三德不見不聞者大論
九云或在人天中佛出世時其人不見如說舍衛城
中九億家三億家眼見佛三億家耳聞有佛而眼不
見三億家不聞不見佛在舍衛二十五年而此衆生
不聞不見何況遠者上已或時東方等者且准淨影攝
上人有長行偈頌長行有三一諸佛共歎二菩薩共
往今所引者即共往文文分為二東方余方東方有

三共往供養聞法今缺聞法偈有三十初十五頌後
共往後十五頌前同歎今引共往頌共往中初二偈
頌同往次五偈頌供養後八偈頌聞法五偈中前四
偈頌見佛供養後一偈頌見土願求後一偈即今所
引八偈中初應時下兩偈如來現相二大士下一偈
觀音恠問三梵聲下五偈如來具答今具引之但字
有缺異文分為二初許說聽二十方下正明所說於
中初舉彼願記必成佛次覺了下智願得土三知法
下智行得佛四通達下智願得土前覺了是世諦智
下通達真諦智云云今云文有兩重佛土若是前兩偈

頌智願得佛土後二偈頌行身土欵妙願德本是相對故

第九隨心供佛樂亦有標釋於自土中見佛聞法亦到他方供無數佛增道因緣最在事佛是故六度菩薩於三抵劫各供五六七千諸佛彼土衆生生彼國已即得神通供佛增道何不為奇也釋中四先供化主二又有下供他方諸佛三行者下預慕彼樂四引論又手白佛佛即可之者平等覺經中有此說如毗尼討要云一切所作盡皆須白師唯除禮佛法僧大小便嚼楊枝等三種不白已他方供養事既不輕佛

若不_大加_世素懷何達故先啓白被其威神衣被者小經義記云衣被是盛華器形如函蓋而有一足已經行者通贊云或往或來如綃經故云經行已无照云直去直來唯遵一路如織之經故云經行已四分律云經行有五益一堪遠行二能思惟三少病四消食五得定已

第十增進佛道樂亦有標釋曠劫流轉還源無期設有發心熟脫何時然彼增道是慶樂極見佛聞法隨心供佛雖隨定有增進佛道而樂相別故立當樂釋中初明穢界發心退墮二彼極樂下明彼增進三一

世下勸勵行者四引論譬猶水中等者涅槃十三云
三十六釋提桓因復作是言是人若當未來世中作
善逝者我等悉當得滅無熾然煩惱如是之事實為
難信何以故無量百千諸衆生等發於阿耨菩提心
見少微緣於阿耨菩提即便動轉如水中月水動則
動猶如畫像難成易壞菩提之心亦復如是難發易
壞大仙如有多人以諸鎧杖穿自莊嚴欲前討賊臨
陳恐怖即便退散無量衆生亦復如是發菩提心穿
自莊嚴見生死遇心生恐怖即便退散大仙我見是
無量衆生發心之徒皆生動轉是故我今雖見堪是

人修於苦行無惱無熱住於道嶮其行清淨未能信
也我要當自往試之知其實能堪忍荷負阿耨菩提
重擔不至大仙譬如魚母多有胎子成就者少如淹
羅樹華多菓少衆生發心乃有無量及其成就少此
帝釈向仙說雪山童子發心自反羅刹唱半偈試之如彼身子等者大論十二
云如舍利弗於六十劫中行菩薩道欲渡布施河時
有乞人來乞其眼舍利弗言眼無所任何以索之若
須我身及財物者當以相與答言不須汝身及以財
物唯欲得眼若汝實行檀者以眼見與尔時舍利弗
出一眼與之乞者得眼於舍利弗前嗅之嫌嗅唾而

棄地又有以脚踏舍利弗思惟言如此弊人等難可
度也眼實無用強索之既得而棄又以脚踏何弊之
甚如此人輩不可度也不如自調早脫生死思惟是
已於菩薩道退迴尚小乘上大悲虛空藏經同之瓔
珞經言六住退問十住是不退位彼經何說六住退
答起信論云非其實退古迹云示退跡是等云權退
也天台云呼信為住意云仰學十住故雖名住實信
位也群疑論四云位退者十住位中前六心位猶得
退敗作二乘等後位不然乃依菩薩本業瓔珞等說
第六住名正心住此位菩薩猶有退大菩提心作二

乘等如舍利弗是也七住以上無有此退也上象子
力微身歿刀箭者止觀七云若小象子揮刀箭必為
所中自他無益初心菩薩欲入生死生死觸之失退
菩提法身破壞上又云象子力微身歿刀箭擲湯投
水翻添水聚上弘決云三祇為大象初僧祇為小象
上又云五品為小象今且六根為大象上當知初心
於穢土中修菩薩行忍力未成聲色所縛未滅善根
僧祇尚尔何況我等流轉凡夫競出火宅走入淨土
次引大論二十九文蓋其意也佛悲願等者十疑論
意也外無惡緣內伏重惑者現起煩惱由三因緣一

由內未斷煩惱二由隨應境現在前三由非理作意
現前故頌云由未斷隨眠及隨應境現非理作意起
說感具因緣已而彼土中諸大菩薩以為善友常安
慰故是為外勝緣由佛願力故心不生貪計想念是
為內伏重感所以文不舉如理作意者內外因緣若
為善則必應起如理作意理在絕言故也或此第四
由開為三一菩薩為善友故二外無惡緣故三內伏
重感故而合為一由者菩薩善友亦外緣攝故內外
因緣一雙法故華嚴偈云者因第五由歎長時見佛
利益勝事也

大文第三極樂證據大分為二先開章二正釋上門
雖令欣求極樂更有疑滯所謂十方有嚴淨土諸佛
各住慈悲攝物何偏勸西又此界中有都率天補處
常居說法利生同是欲界其業易成何遠得望他方
極樂為遮此疑立第三段令知一代經論之中偏勸
極樂誠諦證據也初對十方則有標釋虛空無邊世
界無邊世界無邊衆生無邊衆生無邊心行無邊心
行無邊佛應無邊故十方界則有無量嚴淨佛土釋
二初明偏勸極樂二問佛言下立偏勸由初中先問
次答於中初引十疑二舉迦才三私引加天台大師

云者十疑文也。大師即是今師。元祖尋其本地。藥王菩薩昔於靈山親聞法華。訪其垂迹。三朝國師。今於大蕪玄悟圓意。十五遍周覽。一代懸鏡。五品位觀。解三觀。營玉而今。文言唯勸極樂。足為指南。故文首引釋成而已。大師披閱一切經論。九十五遍者。興定聚智證云。天台大師十五遍讀一切經。至古華嚴。特致功力。別副禮文。日且行之。已上投渡集及唐律師法進沙彌威儀經疏五云書一切經十九藏轉讀藏經一十五遍造寺八十法銑僧都註梵網云天台大師依經藏一切經御覽十五遍已上十疑十中引新譯

雜集論西域傳等。此後人所書如彼。善無畏三藏為唐玄宗皇帝讚。大日經弟子一行阿闍梨記之名。木日經疏。斯疏引後譯物醯經。文宗曉元照等同云。天台十疑。雙觀經覺經。大阿彌陀經。同本異譯者。問發覺淨心經。是寶積經。別譯亦可云斯經。同本異譯。又般舟經。大集經。別譯可云大集般舟二經。亦同本異譯。如何答有云淨心經。雖寶積經。同本異譯。彌勒所問會別譯。雙卷等。三經無量壽會。別譯無量壽會者。寶積經一百二十卷。內四十九會。中第五會也。彌勒所問會四十二會也。故以彼經不可云此經同本也。

次般舟經者大集經第五卷賢護分許之別譯此亦
惣別異其故大集經第五卷賢護分云般舟經也不
可忽云同本一切經中彌陀偈者迦才論中云如一
切經中彌陀偈云唯念法比丘乃世世稽首行釋曰
一切經中有此禮文比是後出阿彌陀佛偈文也貞
元錄云後出阿彌陀佛偈經一卷或元一紙後漢失
一偈未知誰人所造故別云一切經中令人取信也
妙云一切經中者意指目錄云問若余可入經中何
列論中答有云未知作者若是經家等所為自說彌
陀功德經中取出要處故云後出彌陀偈欤若余非

直佛說故列論中欤智憬師者有云興福寺人也善
珠僧正釋作記也華嚴宗章疏目錄云起信論同異
章一卷興福寺智憬造比但未見其釋此要集三處
云智憬有云元曉師大經宗要作釋師也桓武天皇
代人云云千手陀羅尼經者問世人云偽經何答無譯
人故人疑之而園城寺百光阿闍梨勸出譯者即是
迦梵達磨多羅三藏譯也其後人信之無垢淨光者
無垢淨光陀羅尼經也光明者光明真言陀羅尼經
也阿彌陀者真諦所譯阿彌陀大咒立由中有三初
以專心有在為由二以仰信而成前由三况復下以

有緣而顯仰信理雖有三重即成偏勸偏願之由問
前經論中何無偏勸由也况決由然前集諸經論示
偏勸理後出要句以成其由此乃為初學者開示義
門以立偏勸自由之二意云人多貪濁者緣多境故
不能專心又心地觀經云等者上隨願經正明專念
弥陀一佛往生極樂今此經中只云一佛不言弥陀
亦云出要不云往生引通證別故與隨願同引用也
又言雖通愬而指弥陀諸教所讚多在弥陀故如目
連等者引此經意只在無量壽佛國易往易取於中
初以辭顯生死業報前後決然二只由下明無專一

故不生佛國三是故下明偏勸理四而人下更誠不
欣極樂易往易取者易往者約能生機易取者約所
生土偏有因緣者佛為斯果極惡衆生發願起行求
劫值逢世世親近故今偏歸同生安養末法万年等
者問特留此經以何得定末法以後百年時分誰知
正法滅後一百年間所依大經未有末法之說九百
年世親論云知如來正法壽漸次論已如至嘖故經
道滅盡應是正法滅是以同本異譯大寶積經無量
壽會云若於來世乃至正法滅時當有衆生植諸善
本能得如是廣大法門已平等覺經云我般泥洹去

後經道止千年千年後經道斷絕在心所願皆可得
道_上已又大阿彌陀經云我般泥洹後經道留止千歲
千歲後經道斷絕我皆慈悲特留是經止住百年_上已
諸經現文豈替人師情量答彌陀教益尤在末法理
教共成何留初_下令末俗衆沉苦海耶所以大集初三
箇五百年多聞定慧為相應法第四第五即彌陀益
觀經十文偏指末法故自他宗師同製末法以後述
釋但信行禪師獨立此義堅蒙感師破現顯邪相不
可以為指南至異譯者相違甚多豈可悉成儀也故
興師云又彼二經抄出於四十八願故次第亦異_上已

今例亦依一謬本諸譯同然觀音勢至本於是土
等者悲華雙卷等意也悲華意者無諍念王千太子
中第一第二觀音勢至也雙卷意者經云是二菩薩
於此國土修菩薩行命終轉化生彼佛國_上已又寶積
經無量壽會云觀音勢至從娑婆世界捨壽量已往
生彼國菩薩宿緣在此土故成機應即偏勸由加之
往生淨土經摩紫女早離速離因緣思之
第二對兜率亦有標釋上對十方雖顯極樂緣厚易
往豈若都率同是欲界釋尊所付補處攝化故束此
段以格極釋中分二初以問答決偏勸極樂二若有

別緣下遮偏執失初中先舉華師以決偏勸次引佛
經更決偏勸舉華師決中初傳雖亦直依教證次會
所傳問玄華等者道宣諸經要集調二十卷編三十
篇第一三寶部中有六緣所謂普敬述意緣念十方
佛緣念釋迦佛緣念彌陀佛緣念彌勒佛緣念佛三
昧緣今所引者念彌勒緣文云凡夫道俗身居欲界
行何善業得生自昇都率天哉答曰未曾有經云下
品十善謂從旦至午於此時中心念十善止於十惡
亦得往生故野干心念十善七日不食生都率天亦
上生經云我滅度後四衆八部欲生第四天當於一

日至第七日繫念彼天持佛禁戒念十善道以斯功
德迴向願生彌勒佛前隨念往生言七日者只從近
說尚感彼天何況一生而不尅獲玄華法師云西方
道俗並作彌勒業為同欲界其行易成大小乘師皆
許此法彌陀淨土恐九鄙穢修行難成如舊經論七
地已上菩薩隨分見報佛淨土依新論意三地菩薩
始可得見報佛淨土豈容下品凡夫即得往生此是
別時之意未可為定所以西方大乘許小乘不許故
法師一生以來常作彌勒業臨命終時發願上生見
彌勒佛已如舊經論七地已上等者妙云指仁王經

及攝論等云舊經論指瑜伽論云新論也。比三地者
七十九云已入第三地菩薩方生淨土。故又佛地論
一云解深密經說三地已上乃得生。故到所言三地
者諸師異解。如探要記下品凡夫者問指九品中之
下品。欽答不尔。一切凡夫對聖位各為下品。故下
往生階位釋云問。瑜伽論云三地菩薩方生淨土。今
勸地前凡夫聲聞有何意耶。比答中國邊州等者。答
中有三一。反質難者。明勸淨土。二又懷感下引證顯
示。可捨都率。攸於極樂。初文亦二。先明不可背佛教
明文。從天竺風聞。次何況下引。祇洹儀明西域風俗

不偏勸。兜率次引證中亦二。初引懷感慈恩。判勝劣
義。次重引懷感。明往生難易。問。非師是新譯宗祖。何
輕彼傳懷感慈恩。以為證定。答。答意偏從佛教。明文
然此兩釋非私情量。故引勝劣難易。即成舉佛經證
內外有無者。准上生經。及以彼疏。內院即是窄度。拔
提願力。造作外院。即是諸天共造。斯皆莫非彌勒菩
薩威神之所知。被也。問。內院極樂相對。可論勝劣難
易。何舉外院。答。內外雖異。同是一天。故舉外院。何況
雖志內院。內院難生。故多分生外院。即如師子覺等
亦是兜率劣之一由也。難云。若云內院難生。多分生

外院故舉其類者又雖志極樂極樂難生生懈慢國
如何答縱生懈慢同不退處故猶可勝堯率天也天
內院不退外院有退者此有三義一云內院不退外
院有退註如今謂內院聞法故得不退外院不聞法故
有退故群疑論四云內即親近補處永無退轉外即
耽茲五欲不免輪迴覺師子道亞世親猶生外院婆
藪般豆德隣無著誕質內院故知內院難生多居外
院還造十惡退沒三途上問內院有女人女人退緣
何其不退答上生經云聞法解悟得不退轉上同疏
云此經亦言諸有敬礼弥勒如來聞名稱名暫觀毫

光下至聽聞弥勒所說一句法義歸依生彼定不退
於無上正覺無量劫罪皆盡消滅無量善法運上生
長上明知內院必是不退但至難者雖有女人無有
欲事故不退也悲華第四說阿閼土云若有衆生聞
斯妙聲一切皆得離於欲心所有女人成就一切諸
妙功德猶如堯率天上天女無有婦人諸不淨事上
上生疏云雖有天女種種侍衛或佛菩薩之所化為
或實天女彼聞皆能說不退之法狀欲過患必無退
轉佛力所加心生決定豈由欲界即皆退耶上二云
內外俱不退經說聞法解悟得不退轉故但人疑云

是說內院相云云然而生外院人繫屬彌勒故終生內院聞法解悟得不退也有云解脫上人義也又云上生經疏并大佛頂經意也云云三云內外俱退謂約人不退約處有退例如釋尊說法砌祇菌靈山等雖有聞法得不退人不云不退處有云法然上問內院有災耶答要決云上生兜率未入妙香院意離欲界火災若起不免焚燒上五衰有無者問內院有五衰答因果經云菩薩期運應下作佛五衰相現已補處菩薩尚有五衰況餘天耶問既不退轉何有五衰答退不退於佛道而論五衰有無於色心而談雖有五衰於道不退不善心起不起者群疑論四云

內院難生多居外院還造十惡退沒三途已問外院可然內院不退何起不善心若起貪嗔癡者造惡業可歸生死如何答不然具縛凡夫故雖起不善心無造惡業例如最後身菩薩於菩提樹下雖起欲恚害三惡覺無造惡業故不退菩提受生異謂天在男女膝下懷中等者問上生經云即得往生兜率院天於蓮華上結跏趺坐已相違如何答今依外院彼說內院或隨人不同已上九立二界勝劣差別者有本無此註無本為正慈恩十異亦勝劣義何於中間作此註耶故下文云西方要決立十勝劣云云或勝劣義

懷感為本故慈恩上作註而已西方佛來迎等者問
上生經云斯人命欲終時彌勒菩薩放眉間光與諸
天衆來迎此人上感師順經如何答彌勒雖有來迎
無本願故二師異解欤本願異者問上生兜率自力
他力中是何耶答迦才論云自力他力別極樂憑阿
彌陀佛四十八大願他力往生兜率無願可憑唯自
力生上衆聖異者問出何經耶答有云華聚願出方
等隨羅尼經第一彼經云尔時華聚菩薩即於佛所
而自立誓作如是言白世尊若令一切衆生生妙樂
世界者我等乃當取等正覺若一切衆生於三途不

永斷者我終不取成等正覺上山海惠願出十往生
經彼經云時山海惠菩薩白佛言世尊我等今者願
一切衆生皆悉生彼然後我等亦願生彼佛記之曰
正觀正念得正解脫皆悉生彼比問就華聚文云東
方妙樂世界非極樂欤答下文云尔時華聚菩薩即
以右手攝取西方妙樂世界到尔時大衆遙見西方
妙樂世界河池華聚莊嚴之事無不明了尔時大衆
歡喜踊躍至心禮敬無量壽佛各各求生妙樂世界
比但東方妙樂世界者彼菩薩本土寶王佛國土也
此經惣以淨土云妙樂十方妙樂世界之文是也問

斯二菩薩何在極樂。答自行之邊常在極樂。化他之邊鎮在穢土。例如彼讚觀音云。大智故常居正覺。大悲故常居因位。橫截五惡趣者。如安樂集記。次問答中間玄辨所傳等者。問意可見。答中有三一。正會玄辨傳。二問心地。下引證重難。三若有別緣。下破其異。執初正答。先約多少。次何況。下約興廢。問玄辨傳非臆情。既引新舊經論。設雖引勝劣難易。但成鉅偏。勸匡成何。況諸經要集念彌勒緣。中西方往生。屬別時意。如何答勝劣難易諸句。盡淨土部詮要。凡夫位成機往生。道無塞。但彼經論及別時意。諸釋炳焉。不

可始。惟今為偏勸。纔示一隅而已。感師云。諸論文說。生淨土各據一義。取捨不同。若約行施戒修離無漏定障。能以定力處淨土受生。自在即三地菩薩。得定自在。若以本願大悲。引一切凡愚衆生。乃至下品下生五逆十惡。但發菩提心。悉得往生。比次問答中。會玄辨傳。無失問意者。佛教明文。無常院法全逆彼傳。故請融會。答中先且叙遠方法。以難。次二。今試下會約多少。三。何況。下會約興廢。今試會云者。先師語云。故上人云。要集會通。是一途也。予所存者。以玄辨入天願。可會之。謂有三願。一者願見十地論。天竺梵

本論也二者願見勝天王般若大品般若等廣本三
者願值兜率行者故三藏只尋都率行者故多值兜
率行者不尋西方行者故不值之欵例如雖值龍智
闍梨唯習三論不傳真言上乘於師子國安羅林中
淨名住處得值龍智
歸唐時語云予於天竺值龍智闍梨彼人云成七百
歲云而其齡三十許是得無生忍故也彼人云知呪
術之法云呪術法者即真言也不入我心法如斯疎
略也乍值龍智不傳真言上乘計知不尋西方故不
值西方行者欵是以其後慈愍三藏十三年之間巡
禮天竺只云值西方行者大宗高僧傳意白蓮記云惠日唐

太宗朝本東萊人一十三年天竺尋訪嘗曰何國何
方有樂無苦以何法何行速得見佛天竺善知識皆
讚淨土遂一志專修撰淨土慈悲集三卷帝顯其德
號慈愍三藏亦名惠日三藏是義淨三藏弟子也
計知天竺多有西方行者故樂邦文類第二云佛世
文殊普賢滅後馬鳴龍樹此土智者智覺願生淨土
乃釋迦勸父王淨飯并六万釋種亦願生淨土已十
五國覺大乘等者依云相傳云西域記顯戒論上有
之問慈恩傳云春秋寒暑一十七年耳目見聞百三
十國已今何違答彼惣舉見聞國今別舉學法國故

國數量不同而已彼共許故等者指上生都率云彼
次興廢中諸教興隆必一時者如佛滅後初五百年
小乘獨興有教尤盛至七百年龍猛提婆出現於世
宣大乘空破小有執衆生僻執住惡取空九百年中
無著天親亦出世間傳瑜伽義破於空執等漢土本
朝大小顯密聖道淨土興廢非一尋而可知如教時
義云顯晦隨時行藏在運上此乃機緣非一冥應使
然也以此准知玄卦三藏入天竺時都率業且興淨
教衰微欵何况淨教利益多在末法後也上足基師
等者疑問云遍訪法相宗學徒西方要決定非慈恩

正釋文狀義理太違自宗云云惠心殊學法相唯識因
明索隱探赜要決正否不決明匠乎而上足基師著
西方要決云云今昔用否尤有疑滯有會云西方要決
題下云基撰卷中多載法相義何不云基撰至義理
相違者凡夫往生等事欵彼雖非自義由一經一論
時課其經論說釋之有何過彼四依論師申權實二
經時弘權似忌實今亦如此依雙觀觀無量壽等釋
淨土義之時不說凡夫往生慈恩大師百本疏主
也其中豈無讚極樂淨土疏耶上今難云雖題下云
基撰誰知若是他基欵又非但凡夫往生亦相違甚

多依之有勘文云基法師名字通多人一三論明匠
道基法師二亦有古玄基法師三慈恩寺圓基法師
是也而西方要決造主者若他基欤若圓基法師所
造者圓基師自作上生經疏云是非披見此經所說
來迎等明文故置此疑也九於西方要決若言慈恩
寺基法師所造者有五種相違義也一者惣相相違
義謂要決云西方為易往生兜率為難上生而上生
經疏云但業行淺願往生西方一不生恐成自悞
故當已行應修此業二者始覺本覺相違義慈恩從
本立始覺菩提義而要決云本覺圓明即為真佛三

者一乘權實相違義慈恩從本立一乘方便而要決
云教迹万差同歸一乘四者兜率退不退相違義上
生經疏云若生外院衆離第九品任運後時還成不
退而要決云若生天上惠力輕微多不免退五者迎
不迎相違義上生經云時弥勒菩薩放眉間白毫光
來迎此人要決云命終生天無人攝引而於上生疏
者基門弟惠照等師既判云慈恩所造於要決者不
云尔知非慈恩所造已上仁和寺洛暹律師勘文也
私云圓基者窺基欤若尔或悞
欤或異此外有一疑謂引舊譯不引新譯是也既違
上生疏及昔法相宗義何慈恩作耶尔如何答試會

之今師既能學唯識因明達法相義寧於他解稱慈
恩造依之興福寺安遠律師著六宗章疏目錄進公
家中西方要決為慈恩作又弘仁天王御宇被召五
宗章釋自興福寺記慈恩釋中入西方要決又禪林
寺同判慈恩釋古德所許定有證據只可仰信但會
第一難者上生疏云兜率易生彼同穢土亦是欲界
十善修因任運可生且依此理作斯釋也要決云淨
土易生者雖他方淨土乘佛願故凡夫往生速於餘
門故要決云問西方淨土處勝時安一切下流如何
并生答曰彼方精妙欲生實難佛力住持去之甚易

已依斯實義作此釋也雖一師所釋各據一義又為
順所依經引機樂欲釋上生經云兜率易釋觀經等
云淨土易如樂邦文類云寂照集揀西方要義見直
指決
疑集問慈恩製彌勒上生經疏須讚都率內院即曰天
宮有十易生淨土有七難生聖師所說必不悞入未
審如何答尔十千只知慈恩上生疏勸生天宮而不見彌
陀通贊說淨土十勝聖師製作豈有相違蓋演教隨
機各示方便已會第二難者唯識論中立四種涅槃
第一性淨涅槃即是本有理性本有故名本亦是
二身覺悟平等自性故名覺雖有客染而本性淨

具無量德能離雜染故名圓明或又法尔無漏本有
種子名為本覺若存斯義設雖相宗何不名本覺真
佛耶此二義順慈息釋楞伽經八九種種識文言楞
伽經中善說識性或以第八染淨別開不可輕忽也
會第三難者依法華意約不定性會三歸一名同歸
一乘彼宗盛所談也會第四難者上生疏釋外院衆
中有不退者要決約多分退故不相違會第五難者
彌勒無本願來迎故或來迎之儀下劣故且屬無也
但至惠照等云上生經疏慈息作者有要故引彼疏
無要故不引要決非必二相違之判會第六難者要

決依觀經等釋淨土宗義故引舊譯不引新譯欵上
足者有云傳記云玄華弟子門徒三千人達者七十
人入室四人也云四人者肪尚光基也肪者神肪尚
者僧尚光者普光基者窺基也此中基師者今慈息
是也斯四人為四足殊慈息為上足弟子其故玄華
造高樓我居第一重慈息令居最下重慈息夜書物
自筆端放光玄華夜見最下重出光明三藏奇之近
見之從慈息口出光明從此以慈息為上足云又殊
法相大乘授窺基法師小乘俱舍授普光法師慈息
為上足是其證也後問答中龍華會中者彌勒菩提

樹云龍華樹也大日經疏七云龍華奔那伽者此奔
那伽是龍華弥勒世尊於此樹下成佛其直云龍華
者是龍中所尚之華西方頗有其種上諸經要集一
云大佛頂經云華枝如龍頭故名龍華樹亦有別傳
云子從龍宮出生故名龍華樹上弥勒成佛居道樹
下說法衆會故以道樹而為會名又佛々道樹異心
地觀經六毗婆尸佛於俱陀樹下成道尸棄佛尸利
沙樹俱留孫佛無憂樹俱那會牟尼佛優曇樹迦葉
如來婆陀樹釋迦如來鉢羅樹云問龍華會亦名三
會其相如何答弥勒成佛經云尔時弥勒佛出華林

苑其苑縱廣一百由旬大衆滿中初會說法九十六
億人得阿羅漢第二會九十四億人得阿羅漢第三
會九十二億人得阿羅漢上胎經云持五戒者作初
會九十六億衆持三歸者作第二會九十四億衆一稱南無佛
者作第三會九十二億衆上法顯傳云弥勒初轉法輪先度釋
迦遺法中出家人及三歸五戒者第二第三度有緣者上又增
一阿含云毗婆尸佛初會百千六万八千二會十六万三會十萬
佛壽八万四千歲百歲中以一偈略戒誡詰佛初會十六万二會
十四万三會十万佛壽七万歲八十歲以一偈略戒毗會羅婆佛
初會十万二會八万三會七万佛壽七万歲七十年用一偈

半略戒狗樓孫佛二會初會七萬二會六萬佛壽六萬歲六
十歲以偈略戒狗那會佛二會初會六十万二會四十萬佛
壽四萬歲四十年用一偈略戒迦葉佛二會初會四十萬二會
三十萬佛壽二萬歲二十年以偈略戒釋迦佛一會
千二百五十人佛壽百歲二十二年以一偈略戒彌
勒初會九十六億二會九十四億三會九十二億佛
壽八萬四千歲千歲以一偈略戒抄卷中有四一約
多少會相違經設雖心地等一兩經勸都率而不如
勸極樂之文顯密且千上生心地等者依云上生經
下生經成佛經心地觀經也二又大悲下引例會相

違經謂大悲經意滅後惡比丘一稱佛名一生信者
其功不空或於第十減彌勒出世時入般涅槃乃至
殘者第二十增樓至佛出世時亦入涅槃故不過現
在賢劫九百九十六佛出世皆得出離無有遺餘心
地觀意亦復如是釋迦遺法弟子衆中或持五戒者
或持三歸者或一稱南無佛者功不唐捐至彼三會
如次得道斯乃在於生死海中吞佛法鈞近所牽引
至涅槃岸故彼心地觀經只云龍華三會得脫指成
佛時更不云補處堯率天何為都率易生證耶三今
案下重舉龍華極樂時即遐迩會心地經四何況下

標生極樂都率龍華隨_云往來以勸西方又今案下
通伏難難意云若如上義五戒三歸一稱功力必至
三會得入涅槃是亦勝益何不願都率期三會耶故
今立二由破其情計初明至三會中間有生死間隔
憂次何況下明生淨土隨土隨念來堯率至龍華喜
五十七俱脰六十百千歲者勘云五十七億六十万
歲_云舊婆沙及菩薩處胎經意五十六億七十萬歲
也_云猶如富貴而歸故鄉者漢書云朱買臣為侍中
後遷會稽太守帝謁買臣曰富貴不還故鄉如著衣
錦夜行子為本郡意何買臣稽首辭謝而已

往生要集第三



